WACANA NASKHAN KESULTANAN MELAYU:
PEMERINTAHAN DAN POLITIK

WANITA DALAM PEMERINTAHAN KESULTANAN DI RANTAU ALAM MELAYU

Oleh
Dr. Arba’yah Mohd. Noor

Tanggal
27 Oktober 2016 (Khamis)
26 Muharam 1438

Tempat
Dewan Seminar Dato’ Hassan Ahmad,
Aras 2, Menara DBP, Kuala Lumpur.

Anjuran
Bahagian Penyelidikan Sastera,
Dewan Bahasa dan Pustaka.

Dengan Kerjasama
Jabatan Muzium Malaysia
Perpustakaan Negara Malaysia
WANITA DALAM PEMERINTAHAN KESULTANAN DI RANTAU ALAM MELAYU

Arba’iyah Mohd Noor

Pengenalan

Sejak kedatangan Islam ke Alam Melayu, status sosial wanita telah diangkat setara dengan lelaki. Walaupun peranan mereka sedikit berbeza dengan lelaki namun ini tidak bermakna status mereka lebih rendah berbanding lelaki. Ia hanya merupakan pembahagian tugas antara kedua-dua golongan berdasarkan kebolehan dan keupayaan fizikal, kecenderungan dan anugerah semula jadi daripada Allah SWT. Ini kerana sistem kehidupan masyarakat ketika itu lebih menutup kepada kekuatan fizikal kaum lelaki. Kaum lelaki lebih dipertanggungjawabkan dalam mencari nafkah untuk keluarga, manakala kaum wanita lebih tertumpu kepada tugas sebagai suri rumah tangga dan menguruskan hal-hal domestik. Masing-masing tetap mempunyai tugas dalam menjalani kehidupan harian mereka.

Peranan Wanita Melayu dalam Politik Zaman Tradisional
Jika dilihat melalui karya-karya persejaraahan Melayu, peranan wanita Melayu pada zaman tradisional tidak berapa ditonjolkan berbanding peranan kaum lelaki. Memandangkan karya persejaraahan tradisional bersifat istana centric, maka boleh dikatakan hampir semua peranan wanita yang ditonjolkan melibatkan golongan wanita elit istana. Keluahan peranan wanita yang ditonjolkan adalah sebagai pasangan (isteri) kepada suami, gundik raja, puteri raja, dayang istana dan sering menjadi mangsa keadaan atau pihak tertentu. Walaupun demikian, wanita masih berperanan dalam